

續山東考古錄卷之二十五

滄州葉圭綬子佩甫述

濟寧直隸州

本州

古仍國周任國

仍任字異音同非改名左傳仍叔之子穀梁作任蓋古通用

又邾國邾瑕邑

春秋左傳昔有仍氏生女樂正后夔娶之又夏后相后緡歸

於有仍又桀為有仍之會蓋唐虞時故國也

漢書古今人表作仍

又僖公

二十一年傳任為風姓司太皞有濟之祀杜注今任城縣路

史任或曰仍也紀年考證有仍今濟寧州則仍即任矣 又

襄十三年取邾

公羊作詩

杜注亢父縣有邾亭水經注亢父縣有

續山東考古錄

卷之二十五

濟寧州

一 蝸角尖廬

詩亭春秋之詩國也王莽更之曰順父矣王莽句自承亢父

縣為文詩亭二句插敘其間非謂縣即詩亭也近志有謂邾

亭在亢父城中者誤蓋由此

邾公羊傳以為邾婁之邑舊說謂在州東南亦無據

邾瑕故城在南二十里春秋哀公六年城邾瑕杜注亢父縣

北有邾婁城公羊作城邾婁葭而後漢志亢父下劉昭引杜

正作邾瑕邾婁即邾國本名似傳寫訛也書法例同內城或

取於邾而城之歟

路史以此城為邾本國文公自此遷繹從杜氏誤註而顯謬經文矣

漢兗州東平國任城縣亢父縣山陽郡橐縣地

魏志高平有承雀山在州東南

任城縣故城在東南四十里今仲家淺後漢光武討龐萌自

蒙縣晨夜馳至亢父縣或言百官疲倦可且止宿不聽復行

十里宿任城縣去龐萌所圍桃城六十里漢志任城莽曰延就亭州舊志曰仲家淺本名橫坊村兗州府志延就亭先名橫坊村今名仲家淺其地西南去亢父故城東北去鄒縣陶城鋪里數皆符水經注黃水又東南逕任城郡之亢父縣故城西夏后氏之任國矣漢章帝元和元年別爲任城別爲國也北王莽之延就亭也謂任城在亢父北也

亢父縣故城在南五十三里

後漢兗州任城國治任城縣元和元年分東平置又亢父縣山陽郡高平縣地魏黃初四年爲郡王彰卒子楷徙封中牟五年任城爲縣

王國楷還太和六年郡復爲國進正始七年爲郡晉咸寧三年

續山東考古錄 卷之二十五 濟寧州 二 蝸角尖廬

復爲國永嘉後國廢

補十六國志後趙任城國下近得晉任城太守夫人孫氏碑

知任城國西晉亦嘗爲郡故沈志任城縣本屬任城江左省

郡爲縣是任城爲郡之証也按晉初封建諸王無任城咸寧

三年北海王陵始徙封於此孫氏之夫羊爲任城太守正在

晉初後晉亂國廢魏志云任城國晉永嘉後罷是江左仍省

國爲縣非省郡爲縣矣前燕有任城太守賈活洪氏載之而仍稱國誤

劉宋兗州高平郡亢父縣永初後省任城縣又高平縣地

後魏兗州任城郡治任城縣神龜元年復並置郡又亢父縣又

高平郡高平縣地

後魏任城縣故城在今治南魏志任城縣有任城蓋復置於此今治南二里有小南門即其南面又亢父有亢父城未詳高齊兖州高平郡治任城縣天保七年省亢父縣移任城郡於魯縣移高平郡來治周因之

隋兖州魯郡任城縣開皇十六年廢高平郡縣屬兖州

李白任城縣廳壁記隋廢高平郡移任城縣於舊居邑雖屢遷井則不改按此所云移縣謂縣解觀不改井句知非移城矣當是齊周之世以縣解為郡解迨廢郡而縣返舊居也

唐河南道兖州魯郡任城縣後梁唐晉漢因之周廣順三年屬濟州

宋京東西路濟州陽郡任城縣

續山東考古錄 卷之二十五 濟寧州

三 蝸角尖廬

金山東西路濟州治任城縣天德二年移濟州來治皇統中析置嘉祥縣

金徙今治據州志。舊小南門去今南門僅二里金築城稍北移耳

元都省山東濟寧路治任城縣至元六年移濟州還治鉅野十二年濟州升府復於縣置濟州屬濟寧府廢任城縣其地直隸於州

十五年移府來治以鉅野縣行濟州事是年府又移治鉅野仍於此置濟州二十三年復任城縣至正八年廢州移路來治時府

升路

元志濟州唐以前為濟北郡治單父縣唐初為濟州又為濟陽郡仍改濟州此皆通典寰宇記諸書誤之也詳鉅野至以為

治單父又混入劉宋北濟陰郡舛繆極矣 移濟寧路治任
城元志不載茲據明志

明山東布政司兗州府濟寧州吳元年改濟寧路爲府十八年
降爲州廢任城縣其地直隸於州來屬附 洪武初置濟寧衛
國朝山東布政司濟寧直隸州初因明舊雍正二年直隸布政
司八年降散州屬兗州府乾隆四十一年又直隸布政司東河
總督運河道並駐此 國初移臨清衛來治

州志

乾隆五十一年修
知州胡德琳

沿革脫五代周按任城縣屬濟州
乃任城縣變爲濟寧州所由也不當漏載 屬縣沿革古
蹟多沿縣志之誤

續山東考古錄

卷之二十五

濟寧州

四

蝸角尖廬

金鄉縣

古甲父國夏緡國周宋緡邑

春秋昭公十六年左傳徐人賂齊以甲父之鼎杜注甲父古
國名高平昌邑縣東南有甲父亭按昌邑故城在縣西北四
十里今雖隸鉅野其東南之甲父亭當在縣境通志甲父國
在金鄉境是也路史謂在單縣今從通志

又昭公四年左傳夏桀爲仍之會有緡叛之竹書紀年夏帝
癸十一年會諸侯於仍有緡逃歸遂滅有緡春秋僖公二十
三年齊伐宋圍緡杜注宋邑高平昌邑縣東南有緡城按卽

漢東緡縣

穀梁
作閔

漢兗州山陽郡東緡縣又昌邑縣地

水經注混入陳留東昏前錄已辨之

東緡縣即今縣治水經注濟水

即荷水自金鄉南

又東過東緡縣北

濟水又東逕漢平狄將軍扶溝侯淮陽朱鮪冢

注

墓北有石

廟濟水又東逕東緡縣故城北元和志金鄉縣即古之緡國

城按今縣西三里有朱鮪冢今治即東緡故城蓋自唐以來

未再徙也水經注戴本濟水又東逕漢平狄將軍以下接墓

北云云皆是注文自承上金鄉南為文今本將墓北以上十

八字作經文近志不復看注文逕東緡城尚在其後遂謂東

緡縣城在朱墓西誤矣括地志稱東緡城在金鄉境或據此

疑唐初未治東緡考後漢書丁恭傳注云東緡今金鄉則括

續山東考古錄

卷之二十五

金鄉縣

五 蝸角尖廬

地志知之未審耳通志稱在東北二十五里非是

後漢兗州山陽郡東緡縣及昌邑縣地

縣西南當有防東縣地唐時其故城猶屬金鄉

金鄉縣地

縣北四十里界嘉祥之阿城村即金鄉城

魏東緡未詳省否晉昌邑縣地

據杜預說晉時東緡城屬昌邑也

金鄉縣地劉宋金鄉縣地

劉宋無昌邑東緡城當已析入金鄉

後魏兗州高平郡金鄉縣齊周因之

金鄉何代徙東緡城古無明文水經注金鄉縣城世謂之故

縣城是後魏已非漢舊晉東緡城屬昌邑宋則為金鄉地酈

道元於東緡城不云金鄉治酈氏於其本朝縣治多不書不

足為疑茲據酈注以魏為斷仍俟考

縣志載縣東有金鄉長汝南薛詣碑無年月趙

明誠金石錄據碑中吳寇未殃一耀威海隅之語斷為晉碑考范式碑魏青龍三年金鄉長汝南薛銘所立官爵鄉里姓

氏並同則詣即為范式立碑之人乃魏碑非晉碑也或魏東緡已省析東境入金鄉或其地本隸金鄉皆未可知

隋曹州濟陰郡金鄉縣大業二年省昌邑入之隋初復詳鉅野

唐河南道兗州魯郡金鄉縣武德四年於縣置金州五年州廢徙戴

州來治八年省昌邑入之唐初復詳鉅野貞觀十七年州廢來屬五代

梁唐晉漢因之周屬濟州

舊唐志金鄉下貞觀十七年戴州廢以金鄉方與屬兗州單

父楚邱屬宋州成武屬曹州鉅野屬鄆州可證新唐志麟州廢即屬鄆州之誤

新志諸縣分屬各州在貞觀元年下文不書何年廢戴州則

元年當作十七年脫載戴州廢三字也山河兩戒考山陽郡晉改高平國劉宋省

入金鄉唐置金州按宋省昌邑縣入金鄉非省高平國入金鄉也唐於金鄉置金州非於山陽置金州也

續山東考古錄 卷之二十五 金鄉縣 六 蝸角尖廬

宋京東西路濟州陽郡金鄉縣

金山東西路濟州金鄉縣

通考金鄉下紹興十三年河決惟金鄉獨存金人偽移州治

於此按金志濟州無治金鄉事或暫避水患旋徙任城歟

元都省山東濟寧路金鄉縣至元二年省魚臺入之三年復置

明山東布政司兗州府金鄉縣初屬濟寧府洪武十八年屬

國朝山東布政司濟寧直隸州金鄉縣初因明舊乾隆四十五

年屬

縣志乾隆三十三年修知縣王天秀沿革周宋緡防梁邱三邑地按防

梁邱在昌邑西南不在縣境 東漢析東緡置金鄉此想

當然語故茅鄉昌邑橐諸城皆不在縣境

又謂金鄉故城在縣西北四十

里接鉅野界其非漢城無庸辨未審其地果有城址否又未審何據而謂之金鄉故城附此備考漢縣城詳嘉祥縣

嘉祥縣

漢亢父縣地

戰國時亢父之險車不得方軌騎不得北行百人守險千人不得過開山圖曰梁父主生亢父主死

是亢父乃山名今亢父城所在並無山險知今縣境之九十九山古皆亢父山也

鉅野縣地

水經注金鄉山爲鉅

野縣之東界漢任城縣城在亢父東北似不能越亢父而有今縣地縣有任城地當在隋唐以後

漢書王子侯表金鄉侯不害東平思王孫後漢縣當卽侯國

故城前漢時當爲亢父縣地

紀要秦爰戚縣在嘉祥西南境蓋因漢初曹參攻爰戚及亢

父周勃攻爰戚略東緡爰戚自當近亢父東緡縣境在前漢

續山東考古錄

卷之二十五

嘉祥縣

七

蝸角尖廬

無縣治可考此說雖無的據亦不敢謂其必不然也州志謂

卽東南之團城以音與爰近耳備考

焦氏山側有焦城村紀要通志並謂古焦國考焦國杜預以

爲譙縣後漢志宏農陝縣有焦城括地志稱在陝城東北百

步二說不同要不得在縣境也其城蓋因山得名耳今不取

後漢兖州山陽郡金鄉縣及鉅野縣地

東境疑仍有亢父縣地

魏因之

金鄉縣故城在南四十里今阿城村

金鄉志作何城

明代忽名之爲

魯武城者也魯武城之不在縣境前錄考辨已悉此等無稽

之談稍知今古者必不爲惑但非考明此城爲古何城終無

以執沿訛之口考水經注南濟東過金鄉縣南

注

郡國志曰

山陽有金鄉縣潯水逕其故城南世謂之故縣城城北有金

鄉山也又黃水逕咸亭北詳鉅野水南有金鄉山今本脫鉅野山字

之東界也金鄉數山皆空中穴口謂之隧也戴延之西征記

曰焦氏山北數山有漢司隸校尉魯恭穿山得白蛇白兔不

葬更葬山南鑿而得金故曰金鄉山焦氏山東即金鄉山也

其地有漢司隸校尉魯峻碑金石錄曰方輿志寰宇記諸書皆作魯峻水經注誤轉寫為恭爾按碑作峻作恭者誤但碑

熹平時立金鄉置縣已久且前漢時即金鄉侯邑乃謂金鄉山以葬峻得名斯為謬矣或其地古有斯事附會於峻歟

有冢謂之秦王陵或曰是昌邑王家東南有范巨卿墓據此

是焦氏山以南以東古皆金鄉山今縣東南十八里有焦氏

山此山以西古皆焦氏山一統志圖金鄉山在嘉祥焦氏山南阿城正

續山東考古錄 卷之二十五 嘉祥縣 八 蝸角尖廬

在金鄉山之南范巨卿墓之西晉地道記曰金鄉縣多山元

和志曰後漢於今任城縣西南七十五里置金鄉縣此城在

四山之中東北至州七十許里惟潯水在南稍遠第經文但稱過其縣南注加故城字稍

不合酈注有水去城七八十里其為漢金鄉縣故城明明白

白矣今指鉅野東南五六十里一小山為金鄉山東北去焦

氏山范巨卿墓皆甚遠如金鄉城在其南則去任城百數十

里其誤易明夫不知此為金鄉故城可也至謂之魯武城不

可解矣寰宇記金鄉山在鉅野即今嘉祥焦氏山南諸山也迨析入嘉祥後人以鉅野境內一山當之耳

晉兖州高平國金鄉縣及鉅野縣地劉宋因之金鄉曾置郡後

魏金鄉縣地鉅野縣地齊周因之隋任城縣地鉅野縣地唐五

代宋因之魏志金鄉有金鄉山范巨卿墓縣雖徙而故地仍所有也齊元父縣省入任城縣有任城地或始於齊時據元和志金鄉故城及縣城內之萌山唐時皆屬任城據九域志縣西山口鎮亦屬任城寰宇記金鄉山在鉅野蓋今縣境有隋唐後任城之十六七得諸鉅野者惟縣之西及西南隅耳

宋永初三年泰山高平金鄉等郡皆沒於魏通鑑胡注金鄉郡蓋晉末分置按郡廢當在沒魏後矣 古州郡不必與所

治縣同城疑金鄉郡置於東緡故城魏罷郡而徙縣於彼也

金山東西路濟州嘉祥縣皇統中析任城及鉅野置

初置於山口鎮在西二十五里正隆中徙治橫山之陽大定

十五年徙萌山之麓即今治橫山在萌山東連麓 通考無嘉祥縣馬氏偽金故也

元都省山東濟寧路單州嘉祥縣憲宗三年屬東平路至元二

續山東考古錄 卷之二十五 嘉祥縣 九 蝸角尖廬

年屬濟州後隨單州來屬

明山東布政司兗州府濟寧州嘉祥縣洪武二年屬濟寧府十

八年隨州來屬

國朝山東布政司濟寧直隸州嘉祥縣初因明舊雍正二年屬

濟寧直隸州八年屬曹州直隸州乾隆四十一年復屬

縣志乾隆四十二年修 知縣倭什布沿革不知阿城為金鄉城無可怪

不知據焦氏山范巨卿墓知為金鄉縣地並不知隋唐以

來之任城縣地是大可怪已猶嘵嘵然持俗說斷為魯武

城以與古人辨是何足與辨 古蹟南武城又名阿城蓋

武阿聲相近之訛耳按俗名本無足深論必欲為之解意

者秦皇家相傳以爲始皇避暑宮阿城或因此名耳武氏爲斯

地巨族有武斑武梁武開明諸碑可証鉅野有武平城武安城或皆因人氏城乎縣本鉅野東界傳有武城亦或有自

魚臺縣

周茅國後入邾又魯棠邑一作唐 重邑 甯母邑戰國魏方

與郡

春秋僖公二十四年左傳凡蔣邢茅胙祭杜注高平昌邑縣西有茅鄉又哀公七年傳邾茅夷鴻以茅叛杜注高平西南有茅鄉按後漢志高平有茅鄉城水經注洸水合洙水又南至高平南入於泗水西有茅鄉城京相璠曰今高平縣西三十里有故茅鄉城也據此知茅在高平縣不在昌邑縣蓋昌

續山東考古錄

卷之二十五

魚臺縣

十 蝸角尖廬

邑西南無邾地漢書五行志山陽橐茅鄉社有大槐樹云云可証也僖二十四年注衍昌邑二字劉昭引此注於高平下似有見於此不知哀七年別有注文耳洙洸合流入泗處在方與縣東北茅鄉城當在縣北境路史以爲殖綽所伐之茅氏在戚之東鄙本衛邑

又隱公二年公及戎盟於唐杜注方與縣北有武唐亭又五年公矢魚於棠杜注同詳下

又僖公三十一年臧文仲宿於重館杜注高平方與縣西北有重鄉城按未詳何國地疑屬魯也漢東平思王孫少柏封

重鄉侯即此詳下

又僖公七年盟於甯毋杜注方與縣東有泥毋亭按疑爲宋

邑水經荷水又東過方與縣北此甫入縣境未至其城北以東重鄉城在縣城西北知之也

逕重鄉城南注云又東逕武唐亭北公羊以為濟上邑也在

方與故城北十里又東逕泥毋亭北與黃水合又東過湖陸

縣南東入於泗水泗水篇云荷水至湖陵西六十里穀庭城

下俗謂之黃水口州志重鄉城在縣舊治西十五里今日文鄉

當在今治北矣近志有謂穀庭即甯毋者不知一方與地一

湖陵地荷水過甯毋合黃水又東南至穀亭入泗非一地也

戰國策楚人以弋說頃襄王曰外擊定陶則魏之大宋方與

二郡者舉矣是方與魏曾立郡本宋地後入魏也漢縣

又張儀以梁與齊戰於承匡縣東北有承匡山疑其地春秋

續山東考古錄 卷之二十五 魚臺縣 七 蝸角尖廬

文十一年叔仲彭生會晉郤缺於承匡杜注宋地在陳留襄

邑東北再考州志云郎邑在縣達汴門外舊治西門外有郎橋也不可從山河兩戒考左傳隱元年費伯

帥師城郎費伯食邑於費後為附庸小國曾子居鄆諫鄆君

十事即此費晉地道記湖陸縣西有費亭今魚臺縣四書考

謂季氏取鄆為私邑一統志謂費縣古費國皆誤假令費邑

即費僖公以費賜季友安得子思時尚有費惠公平按曾子

居鄆即居武城蓋季氏當春秋後儼與魯為與國非別有鄆

國也湖陸之費亭乃後漢曹騰侯邑謂即春秋初之費國古

無此說也互詳費縣近志皆稱極國在魚臺西據無駭帥師入極費亭交勝之謂費在魚臺因謂極亦在魚臺並無他

據謂在縣西尤不知所本

漢兖州山陽郡方與縣橐縣史記漢書功臣侯表並作橐師古曰公老反舊本水經注同惟漢志今本水經注作橐王念孫以為作橐是然橐莽改高平疑本作橐也及湖陵縣地穀亭鎮在縣東方與縣故城在東北四十里今古城村

橐縣故城在東北

里水經注泗水

自平陽西

又南過高平

山山東西十里南北五里高四里與眾山相連其山最高頂

上方平故謂之高平山縣取名焉又南逕高平縣故城西故

山陽之橐也洸水

即洸水

從西北來注之又南過方與縣東又

魏志高平有高平山承雀山

元和志作承注寰宇記作承丘九域志作承匡通考作承山左

傳或作筐路史太昊紀云女皇雲姓太昊之女弟也出於承匡注云承匡山名在任城縣東南七十里並據國策作匡是

伏羲廟今縣東北九十里鳧山麓有伏羲廟以媯皇配享俗

曰人祖廟元和志承注山下有女媯廟是知鳧山即高平之

承匡山

詳山考

山界今縣與濟寧州鄒縣之間泗水自鄒縣南

流逕兩城山之西兩城山連承注山十餘里其南有平山勢

續山東考古錄

卷之二十五

魚臺縣

三

蝸角尖廬

若列屏高平山當在是矣橐城當在其南不遠後漢書東平

憲王傳章懷注高平故城在鄒縣西南蓋本鄒與魚臺任城

三縣接界處也近志不詳考係高平故城於金鄉不知彼乃

昌邑縣城高平郡治非高平縣治今昌邑故城屬鉅野猶於

金鄉列高平縣城真謬中之謬濟寧州志於高平故城條引

入章懷注仍沿縣志之誤殆不可解

後漢兖州山陽郡方與縣高平縣

光武仍名橐章帝又改

及湖陸縣地

即湖

陵魏因之

後漢永平二年以橐縣益東平未詳何時復故

晉兖州高平國方與縣高平縣及湖陸縣地

劉宋兖州高平郡治高平縣又方與縣

湖陸省入高平

後魏因之齊移

郡治任城二縣皆省與周皆未詳爲何縣地

宋高平郡無昌邑縣後燕錄高平人翟暢執高平太守徐舍

遠疑東晉郡已治高平也 宋無湖陸魏志高平有湖陸城

魏志方與有方與城似曾徙治而元和志稱魚臺理所即漢

方與縣城未詳 晉初以山陽封陳騫嫌與漢獻國名同故改名或其時已治高平縣因以名郡亦未可知

隋 徐州 方與縣開皇十六年復 隋志鄒縣有承匡山縣東北當有鄒縣地

唐河南道 兖州 魚臺縣寶應元年改方與爲今名元和 新唐志

字此據 十四年隸徐州等復屬光化二年屬輝州五代因之

舊唐志魚臺隋屬戴州貞觀十七年屬兖州其金鄉下戴州

廢後諸縣分隸諸州並無魚臺况隋非終有戴州此誤 元和志同

續山東考古錄 卷之二十五 魚臺縣 三 蝸角尖廬

元和四年後魚臺縣故城在東北十八里寰宇記魚臺縣元

和四年八月淄青李師道請移縣治於黃臺市從之按此城

在方與故城南二十里寰宇記稱觀魚臺在縣北十二里較

去故城僅多二里蓋仍舊文觀稱菏水在北十里可見

宋京東西路 單州 魚臺縣 單即輝後唐改

金南京路單州魚臺縣

元都省山東濟寧路魚臺縣太宗七年屬濟州至元二年省入

金鄉三年復八年屬路十三年隨濟州屬路至正八年逕屬

明山東布政司兖州府魚臺縣洪武元年屬徐州七年屬濟寧

府十八年屬

國朝山東布政司濟寧直隸州魚臺縣初因明舊雍正二年屬濟寧直隸州八年屬兗州府乾隆四十一年復屬

乾隆二十一年徙今治本董家店

縣志

乾隆二十九年修
知縣馮振鴻

沿革頗詳明惟漏載橐縣其古蹟

王榮墓條又明知高平縣在魚境不入沿革何耶

續山東考古錄

卷之二十五

魚臺縣

古

蝸角尖廬

濟寧州補遺

州志職官志北齊有任城太守高德乾按齊任城郡自治魯縣

與州無涉

魏代載任城太守高德純即德乾魏書本傳可證

齊任城為高平郡治反略

去高平太守劉軫

見唐書宰相世系表不載

金代有僕散渾坦注云皇統時利涉節度使世襲濟州有李瞻

注云濟州路轉運使有完顏謀衍注云濟州萬戶按山東濟州

未置節鎮未自為路何得有節度轉運之官乎考金史地志隆

州利涉軍遼黃龍府天眷三年改為濟州置利涉軍天德二年

置上京路轉運司四年改濟州路大定二十九年嫌與山東路

濟州同更名隆州其故城在今盛京東北為吉林將軍屬地

續山東考古錄

濟寧補

一 蝸角尖廬

又完顏謀衍傳嗣濟州萬戶其兄活女傳則云嗣為黃龍府萬

戶三人皆彼處職官與州無涉又誤載任邱尉劉煥作任城尉

疎謬極矣而見循吏傳之濟州刺史趙鑑見酷吏傳之濟州刺

史高閭山反略不載

又元代有濟寧路中書分省右丞等官注云至正十六年以知

樞密院事實理分院濟寧次年改中書分省按元史分省於濟

寧在至正十一年冬十月辛卯以松壽為參知政事見順紀及

百官志十六年分樞密院於沂州不在濟寧

州志職官人物舛謬甚多此擇其關

於地理沿革者辨之

元史何實傳襲濟寧諸處勢如破竹按世祖至元八年濟州始

升濟寧府實當太祖之世不得有濟寧之稱

嘉祥縣

晉書劉牢之傳苻堅將張遇遣兵擊破金鄉按金鄉徙東緡故城疑在此後

宋史食貨志初元豐中修置水磨止於在京及開封府界諸縣未始行於外路其後將於濟州山口營置云云卽金始立縣之山口鎮也

續山東考古錄

濟寧補

二 蝸角尖廬